

Jesús - Mixe, Tlahuitoltepec

JA ØGYAJPXY JA ØMYADYA'AKY

MIDI JA MARCOS YJAAY

1.1

Ku Juan Bautista kya'amaay abak etjotp

1.1 Yide'en yiknimadyak'okwaañ ja øgyajpxy ja ømyadya'aky midi ja nwindson'ajtim Jesucristo yja'ajtpy, ja Dios U'nk.

1.14-15

Ku ja Jesús tpadøjkiyi'ñ ja tyunk

1.14 Jøts ku ja Juan wyinaty tø yikpiktakni jap puxøjkjøtpy, winets ja Jesús chøø'ñ jøts ja ñijkxy Galile'it etjotp, ma ja tniga'amaay ja øgyajpxy ja ømyadya'aky, midi ñigajpxy sa Dios ja yjaa'y ttanitanit ja kyutujk.

1.15 Yide'en ja wyaañ:

—Tønim inet ja xøow ja et yja'aty, wingomp ixyam ja Dios kyutujk midi ya tu'ump. Yiktigatsti ja mdsinaa'yindi, ja'dyigøogyøxti tuki'iyi ja mga'øyyaa'y'ajtindi, jøts janchjawidi ja øgyajpxy ja ømyadya'aky.

1.21-27

Tu'uk ja yaa'dyøjk pøn ja miku'

wyinyaty tø tyatøkiyi

1.21 Xjats ja ojts yja'atti Capernaum, jam møj kajpkøjxp; jøts ku poo'kxin xøow tpaajty, winet ja Jesús ñijkxy yik'ixpøjkpi jam israelit jaa'y chaptøjkjøtp.

1.22 Xjats ja jaa'y ja jam ñigyumaap tjawidi, ku Jesús ja jade'en yik'ixpikyidi sam ja jaa'y pøn ja møk kutujk tmøøt'ajtp, ka'ap ja jade'en yik'ixpikyidi sam ja kajpxwejpøjk pøn yik'ixpøjktip jap israelit jaa'y chaptøjkjøtpy.

1.23 Japts wyinyaty tu'uk ja jaa'y tsaptøjkjøtpy pøn wyinyaty ja miku' tø tyatøkiyi, ja' møk yide'en waan:

1.24 —¿Mets Jesús, Nazaretit jaa'y, tiku øø tø xnimiñ, sa øø xunwa'añ? ¿Ja' mets tø xnimiñ jøts øø xyikudigøogyøxt? Wa'ats me n'ejxkapy pøni pøn mets. Ka'axi me mbøkmyøødi, Dios jaa'yxi mets.

1.25 Xjats ja Jesús møk twingugajpxiyi'ñ ja miku', jøts ja tnimaay:

—iAmøñi, kidi nugo mgajpxy, tsojk majtstu'ut yø jaa'y!

1.26 Xjats ja miku' møk'ampy tyikmibejpjky ja jaa'y, jøts ja møk chabaay, winets ja pyidsiimy.

1.27 Xjats ja mayjaa'y janchnigyumaap tjawidøø, jøts ja xem yam ñadyiibyikyidi køøm, yide'en ja ñawyā'añidi:

—¿Ti wenk ixpøjkin ya'at? ¿Ti tunk yø jade'en tyumpy? iJanch møk kutujk tmøødi, mimadojip paat ja miku' yø ku yø t'ane'emy!

1.32-34

Ku ja Jesús tyikmøkpjiky ja maabyamaa'y

1.32 Waani y'ijty ku ja xøow yjejxy jøts ku kyoodsinaa, winet ja Jesús yiktanimiin ja mayjaa'y pøn wyinaty øjkiidip, jøts ja jaa'y pøn wyinaty tmøøt'ajttip ja miku';

1.33 niduki'iyi ja kajp jaa'y myendøø tøk'agøøom ma ja Jesús jam wyinaty.

1.34 Xjats ja may tyiktsøøjky ja pamaa'y pøn wyinaty tigati øjkiidip, øjts ja tyiktsokixy jøts ja miku' ja tyikpidsømgijxy midi ja jaa'y wyinaty myøøt'ajttip; jøts ka'ap ja miku' ja tyikajpxy, kumi ñija'wip ja paty ja jade'en ttuñ jøts ja kyadamigajpxiyit jøts ku ja Dios U'ngi.

2.1-12

Ku ja Jesús tyikpidi'jky ja køujxpi pakxujxpi

2.1 Ku wyinaty kawinaak xøow tø ñajxni, xjats Jesús jadigojk kyajptøjkiyiin jam Capernaum; jøts jaa'y ja tñija'widøø ku ja wyinaty tø yja'aty jam tøjktjotp.

2.2 Xjats ja mayjaa'y jatyi ñamyujkidøø, yikxon ja tøjkt yjanch'ujch, ka'ap ja y'uknibaajtini; jøts ja Jesús jam tniga'amay ja øgyajpxy ja ømyadya'aky.

2.3 Winets ja jaa'y yja'ttøø nimaktaxk pøn tkiyja'ttøø tu'uk ja pamaa'y pøn wyinaty køujxpi pakxujxpi.

2.4 Xjats ja Jesús ja tjpaatwa'andi, jøts kumi nima ky'awa'adsi kumi tø ja mayjaa'y wyinaty t'awa'kta'tsnidi ja tøjkaaw, winets ja tñitajuttøø ja tøjkt jøts jut ja tyik'awatstøø. Japts pamaa'y ja tyikwinajktøø møøt ja myaabajt jap Jesús wyindujpy.

2.5 Xjats ku ja Jesús øjts t'ixy ja jaa'y pøn tyikmendøø ja pamaa'y jøts ku ja amuum yjanchjawiyi, winets ja pamaa'y ja tñimaay:

—Nbojkmee'kxpy mets u'nk.

2.6 Jamts wyinaty ja kajpxwejpitøjk chøønidi pøn wyinaty ttuk'ixpøjktip ja Moisés kyutujk jam tsaptøjktjotp, ja'ats yide'en winmaadyøø:

2.7 “¿Ti yø jaa'y jade'en kyuwa'anip, sa yjaty? ¿Tiku yø jade'en wy'aan? iKa'ap idøøn jade'en y'øyi! ¿Pøn ja øky ya t'ukmaa'kxp, kidi Diosip tu'ugyi tmaa'kxp ja øky?”

2.8 Xjats ja Jesús ñija'wip ja wa'ats ku ja jaa'y jade'en wyinaty wyinmaydi, winets ja tñimaay:

—¿Tiku jade'en nichøky mwinmaydi?

2.9 ¿Ja ti ne'egi jawaani jajtni, kuts yø pa'amjaa'y nnøjmit: “Mee'kxpy øts yø mbøky”, uk ku nnøjmit: “Wa'kuki, økmukni yø mmaabajt jøts nøjxni mdigam”?

2.10 Ixyamnim meets inet x'uk'ext mabaat øts idøøn ja møk'ajtin nmøøt'aty ya naxwiin jøts ø nmaa'kxt ja øky.

Xjats ja tñimaay ja køujxpi pakxujxpi:

2.11 —Pidøkni, wa'kukiñi, wejtsjøøk yø mmaabajt jøts mnøjxnit mdigam.

2.12 Xjats ja pamaa'y jatyi pyidi'jky; øjts ja myaabajt ja twejtsji'iky, jøts ja jam cho'oni mayjaa'yjotp.

Paty ja jaa'y niduki'iyi ñigyumaap tjawidøø ku ja pamaa'y jade'en myøkpjiky, xjats ja Dios ja ttamøja'widøø, jøts ja wyandøø:

—Nima niwindinim jade'en nga'ijxyindi.

4.35-41

Ku ja Jesús tyiknajxy ja møk poj, jøts ku ja tyik'amøkiyiin ja mejy

4.35 Xjats ku kyoodsiyii'n ja et nay ja'abi xøøw, winets ja tnimaay pyabøjkpitøjk:
—iWan tjaa'myindi jaduktamajñ'ampy jam nøøba'am!

4.36 Xjats ja jade'en tminawya'kxidøø ja mayjaa'y, jøts ja jap barkijøtpy tyiktsoo'ndøø ja Jesús mayim ja jap wyinaty, ojts abikbyarki ja pyadsøøñidi, ja' ja ojts tmøøtnøjkxti.

4.37 Xjats ja poj jam janch møk myiiñ, jøts ja nøø møk'ampy y'adøtspinaxwajky, yikxon ja yjanchtojmji'jky jøts ja kom nøø tyøjkii'n jam barkijøtp, ujtsnip ja wyinaty.

4.38 Jamts ja Jesús wyinaty mya'ay barki ix'am, tø ja jam wyinaty ñagyukøyyi; winets pyabøjkpitøjk ja ojts yuxyi, jøts ja ojts ñii'mxyi:
—iWindsøn! ¿Kidi mdsøøgi ku nnøjøø'kxin uk ku n'oo'kin?

4.39 Xjats ja Jesús pyidi'jky jøts ja møk twingugajpxiyii'n ja poj; jøts yide'en ja mejy tnimaay:
—iMimadook øts et, kidi m'adi'ich!
Winets ja mejy jatyi y'amøkiyii'n jøts ja tu'ugyi tyañ.

4.40 Xjats ja tnimaay pyabøjkpitøjk:
—¿Jadits ku mdsøøgidi, tigøjxp ku ø xkajanchjawidi?

4.41 Winets ja yjanchø'jkidøø, yide'en ja køø'm ñawyajnidøø:
—iPønims idøø'n ya'at ndejint, sudso poj sudso mejy yø myimadøyi!

5.22-24

5.22 Tø døø'n ja jam wyinaty tyañ ku jaa'y jam tu'uk yja'jty midi yik'ixpøjkp jam tsaptøjkjotp. Jairo, ja' ja xyøøw'ajtpy. Xjats ku ja t'ejxpaajty ja Jesús, winets ja ñagyuxendyaajkøø jam Jesús wyindum

5.23 jøts ja tjanchminuu'kxaajky, yide'en ja tnimaay:
—Jotkøjxnip øts n'u'nk xjap; men mgø' xanixajy, jøts myøkpøkt jøts yjujky'att.

5.24 Xjats ja Jesús ojts tpanijkxy ja jaa'y; namay ja ñøjkxti, may jaa'y ja janchpadsøø'nøø, yikxon ja yjanchyik'atejmujky.

5.35-42

5.35 Ixammim ja Jesús jade'en wyinaty wya'añ, ku jaa'y jam yja'ttøø midi wyinaty tso'ondip jam møjaa'y tyøjkwindum, ja møjaa'y midi wyinaty tump jam tsaptøjkjotp, xjats ja yiknimaay:
—Tø ja mnøøx y'oo'kni. ¿Tiku yø windsøn nugo xyikjotkøjx'adi'ich?

5.36 Myadøøpy idøø'n Jesús ja' ku ja møjaa'y jade'en yiknøjmi, xjats ja tnimaay:
—Kidi mdsøøgi; ja'ayi amumjoojt xjanchjawit.

5.37 Jøts ja ojts ñøjkxti, ka'ap ja Jesús tkupijky ja mayjaa'y jøts ja myøøtwidetiit, Pedro ja nugo myøøt'ajt, møøt ja Jacobo, jøts ja Juan midi ja Jacobo y'uch'ajtpy.

5.38 Xjats ku ja jam yja'ttøø ma ja jaa'y jam wyinaty chøøni pøn tump tsaptøjkjotp, winets ja ojts t'ixy jøts ku ja jaa'y nugo xem yam y'adøtsnidi, pømbi jap waani yaxp, jøts pømbi jap janch møk yaxp.

5.39 Xjats ja Jesús tyøjkii'n jap tøjkjøtpy, jøts ja tnimaay ja jaa'y:
—¿Tiku jadine'en mna'amdi, jadits ku mya'axti? Ka'ap yø kiixyu'nk y'øøky, maap yø'.

5.40 Winets ja jaa'y ja ojts tnixe'ekti. Xjats ja Jesús t'ixkajxpidsømgijxy ja jaa'y, nugo u'nkteety u'nktaak

ja ojts tmøødi jøts ja pabøjkpitøjk midi ja jam wyinaty myøøt'ajtpy, xjats ja tyøjkii'ñ mā ja kiixyu'nk jap wyinaty,

5.41 jøts ja ojts tnixaji kyø'køjxp, yide'en ja tnimaay:

—Talita, cumi —yide'en idø'on ja tijy: Mets u'nk idø'on nnimaapy, pidø'øk.

5.42 Xjats ja kiixyu'nk jatyi tyanaagyukiyii'ñ jøts ja yø'øbyijky jadigojk, makmajtsk ja yjumøjt ja wyinaty. Winets ja jaa'y yjanchø'jkityigøødyøø ku ja jade'en t'ejxtøø.

7.18-23

7.18 Xjats ja tnimaay:

—¿Ni meets paat yø xkanimadooni? ¿Ka'ap xnijawidi ku jaa'y niti jii'kxy kyayikpøkyetyi ku jaa'y ti tjii'kxy?

7.19 Ka'ap jii'kxy tyøki anmija'winjotp, maatsjotp ja jii'kxy tyøki mā ja tinch, jøts pyidsimy ku jaa'y ñijkxy nawyiyø'øyibi.

Jade'en idø'on ja ojts tnigajpxy jøts ku jii'kxy tum wa'ats midi yikjøø'kxp, ka' yikpøkyetyi.

7.20 Yide'en ja wyaañ:

—Ja' jaa'y yikpøkyajtip midi pidsømp y'anmija'winjotp.

7.21 Kumi jam pyidsimy ja ka'øwyinmaa'ñ ku jaa'y kya'øwyinmay, jam pyidsimy ku jaa'y ñiyaa'y ñidø'øxy ñabyøjkxiyidi, ku nadyu'uk jaa'y ñamyøøt'atyidi, ku jaa'y yikjaa'y'øøky,

7.22 ku jaa'y myeech, ku jaa'y wenk jaa'y pyikta'aky tsojkiyi, ku jaa'y ti tka'ødyuñ, ku jaa'y tyaa'y'aty, ku jaa'y najts'aaw najtsjoojt yjaa'y'aty, ku jaa'y myigu'uk ti ttami'ama'at'aty, ku jaa'y pyagajpxy, ku jaa'y ñamyikexyi, ku jaa'y niti tkawinmay.

7.23 Tum anmija'winjotp yø ka'ødyunk jade'en chøøñ midi jaa'y tyikpøkyajtp.

9.2-8

9.2 Tyudujkxøøwip ja Jesús wyinaty jade'en tø wya'añ, xjats ja pyabøjkpitøjk ja nidigøøk t'ukwaay, ja Pedro ja y'ukwaaw møøt ja Jacobo jøts møøt ja Juan, jade'en ja ojts tmøøtnijkxy jam kojpkøjxp mā ja Jesús adsu'jky tyigajch, jamts ja pyabøjkpitøjk wyinaty t'ukmøøtani.

9.3 Yikxon wyet ja chamambijky janch poop ejxim tsap'øø'pkyin, nipøn jaa'y wyet ya jade'en tkayikwa'ach sa dø'on wyet ja pyoobiyii'ñ.

9.4 Winets ja pyabøjkpitøjk t'ejxpattøø ja Elías møøt ja Moisés, jøts ku ja tmøøtmadya'akti ja Jesús.

9.5 Xjats ja Pedro tnimaay ja Jesús:

—Windsøn, ityimy'ø'yajtp ku øø nyam'aty! Nyik'øyip øøts ujts'aadyøjk, tu'uk mets mja', tu'uk Moisés yja', jøts Elías yja' tu'uk.

9.6 Tø ja pyabøjkpitøjk wyinaty yjanchø'øgidyøjkinidi, ka'ap ja y'ukwinmaa'nbyatnidi sa ja tnøjmidit ja Jesús paty ja Pedro jade'en nugo y'ukwanaa.

9.7 Winets yoots myiiñ mā ja jam wyinaty, ja'ats ja ojts yik'adigøyidi, jøts jap yikmadøøy ja Dios y'ayuujk midi waan:

—Ya'at n'U'nk øts idø'on njanchøjkpy, mimadojidi pøni sa wya'añ.

9.8 Xjats ku ja jatyi y'ejxjø'ktøø, winets ja nipøn tka'ejxpattøø mā ja Jesús jam wyinaty, ja'ayi jam wyinaty nadyu'uk tanaapy.

12.28-31

Ja møj kutujk midi ja Dios ñi'ane'empy

12.28 Xjats winet yja'jty tu'uk ja kajpxwejpitøjk ja myigu'uk midi wyinaty tø tmadøy ku ja Jesús jam jade'en tminagyajpxyi ja saduceotøjk, jøts kumi ja wyinaty tnijaw i ku ja Jesús wyinaty øy tø y'adsøy, winets ja tyiktiiy, yide'en ja tnimaay:

—¿Midi'ibi ja Dios ja kyutujk jawaani møj jøts nmimado'owint?

12.29 Xjats ja Jesús y'adsøoy jøts ja wyaañ:

—Ja' Dios jawaani møj kyutujk'ajtpy midi wamp yide'en: “Israelit jaa'y, ukmadowdi meets, tu'ugyi ja Dios pøn adøm ndios'ajtindip.

12.30 Jøts tsokti ja jawaani ejxim niti jade'en xkatsokti, amumjoojt ja xwindsø'øgidit, ja' tu'ugyi mjotmay'attip, ja' tu'ugyi møk m'ajot'attip.” Yā'at idø'on øgyutujk'ajtp.

12.31 Jøts jap jadu'uk midi ññayjade'en møj, yide'en ja wyaañ: “Tsok mmigu'uktøjk, windsø'øgi mmigu'uktøjk, jade'en xtsokt jøts jade'en xwindsø'øgit sa kø'øm mnachøkyi, jøts sa kø'øm mnawyindsø'øgyi.” Ka'ap jadu'uk kutujk te midi jawaani møj sa ya'adindi.

14.10-11

Ku ja Judas ñay'awajniyi jøts ja tkøyakt ja Jesús

14.10 Winets ja Judas Iscariote chøøñ pøn ja Jesús pyabøjkpitøjk wyinaty møøt ñimajmatsk'aty, jøts ja ojts tninijxy ja teetywindsøn, ja'ats ja møøt tkajpxy'ajty jøts ku ja tkøyakt ja Jesús.

14.11 Xjats ku ja jade'en tmadoodøø, winets ja jyanchxondaktøø, jøts ja Judas ja meñ jaty i yiktami'awa'aniiñ. Ja'agøjxpts ja Judas t'ixaay ja taay ja winmaañ juuni et ja t'ukøyakt ja wyindsøn.

14.44-46

14.44 Yide'en idø'on ja Judas wyinaty tø wyaañ jøts ja tu'uk tpikta'akt ja ejxa'anin midi ja y'ejxtip ku ja tkøyakt ja Jesús, yide'en ja wyinaty tø wyaañ:

—Pøni pøn øts inet ndsu'kxpy, ja' idø'on ja wyinaty; ja'ats idø'on mmatstip, jøts ja xyiknøjkxtit ta'tspiky'ampy.

14.45 Xjats ku dø'on ja jam jade'en yja'jty, winets ja twinguwa'jkiyiiñ ja Jesús, yide'en ja tnimaay:

—Øts, windsøn, memp.

Jøts ja ojts jade'en ttsu'kxy.

14.46 Xjats ja Jesús yiknixajiyiiñ, jøts ja jade'en yikmajch.

15.6-15

Ku ja nwindsøn'ajtim Jesús ñidujkiyiiñ jøts ja y'oockt

15.6 Yide'en idø'on ja Pilato wyinaty ja kostumbri tmøøt'aty ku ja paski xøow tpaaty, winets ja tyik'awa'atspidsimy nidu'ugin ja tsumyjaa'y, pøni pøn ja mayjaa'y yik'awa'atspidsømwandip.

15.7 Jamts wyinaty tu'uk ja pøkyjaa'y tsumy pøn txøow'ajtp Barrabás, ja' ja jap møøt chum'ity pøn ja wyinaty møøt tø yikjaa'y'øøky ku tsep ja wyinaty tø ttundi møøt ja kudunktøjk.

15.8 Xjats ja mayjaa'y jam jade'en myendøø, jøts ja t'amidoobinaxwa'aktøø ja Pilato jøts tsumyjaa'y ja tyik'awa'atspidsø'øomt nidu'ugin sa kyostumbri ja wyinaty tmøøt'aty.

15.9 Winets ja Pilato y'adsøoy jøts ja tnimaay:

—¿Sa mee m'ukwa'añ, wan yø israelit windsøn tyikmajtstu'uty?

15.10 Jade'en ja wyaañ kumi tō dō'ōn ja wyinaty tja'gyuki jōts ku ja teetywindsōn wyinaty nugo tō tkōyakti ja Jesús tanejkingōjxp.

15.11 Xjats ja teetywindsōn tkajpxwejkōjxtōō ja mayjaa'y. Ojts ja t'agajpxidi, jōts ja wya'andit jōts wan ja Barrabás t'awa'atspidsimy jōts ka'ap ja Jesús.

15.12 Xjats ja Pilato tyiktiiy ja mayjaa'y, yide'en ja tnimaay:

—¿Jōtsimts yō israelit windsōn, sã yō yiktu'unt?

15.13 Winets ja y'adsoodōō jōts ja wyandōō mōkta'aky:

—iYikruspat!

15.14 Xjats ja Pilato tnimaay ja mayjaa'y:

—¿Ti tundigōō'yin yō tō ttuñ, ti yō kyubatp?

Winets ja tjaaktyimykjinajxtōō, mōk'ampy ja yjaaktyimwyandōō:

—iYikruspat!

15.15 Jōts kumi yikjotkukiwyampy ja Pilato wyinaty ja mayjaa'y, xjats ja tyik'awa'atspidsiimy ja Barrabás; jōts ku ja t'uknankwyojpoō ja Jesús, winet ja ojts tkōyaky jōts ja kyiruspatt.

15.33-39 Ku ja nwindōn'ajtim Jesús y'ō'jky

15.33 Xjats ku kyujkōōw'ajty, winets kyoodsiyii'ñ ja naxwii'ñit, jaanim ojts yjajta'aky mōj winakxyōōw.

15.34 Jōts ja Jesús mōk'ampy wyaañ:

—Eloi, Eloi, ¿lama sabactani? —midi tyijpy: Dios Teety, Dios Teety, ¿jadits ku ø tō xnanktyuñi?

15.35 Winaagin ja jaa'y jade'en tmadoodōō pōn jam wyinaty jōts ja wyandōō:

—Madowdi, ja Elías yō wyaadsōōpy.

15.36 Xjats tu'uk myiiñ janch pujtpim pōn tnixajiyii'ñ ja tanōxe'jts midi jade'en t'ejxp ejxim ja xa'akjoptsin, ja'ats ja ojts tyikxōōky jap vino ta'amjōtpy jōts ja tpiaktaajky jam kipy jōp'am, winets ja jade'en tta'adejyii'ñ ja Jesús jōts ja ttukwimuukwa'añ, yide'en ja wya'añ:

—Majtstu'utti; wan t'uk'ijxyim pōni janch'ukyikwinajkip inet idō'ōn ja Elías jam kruskōjxp ku inet ja mye'ent.

15.37 Winets ja Jesús mōk'ampy yaajxy, jōtsnim ja y'ō'jky.

15.38 Jōts nay jatyi ja wet kujkwa'kxy y'akō'ōtspajky midi ja tsaptōjk jam wyinaty y'awejtstuk'ajtpy, kubajk'ampy ja kyō'ōtstōjkii'ñ jōts ja kyō'ōtskidaajky ok'am'ampy.

15.39 Jōts ku ja soldadi windsōn jade'en ojts t'ixy pōn ja Jesús jam wyinaty twindanaapy, winets ja wyaañ ku ja Jesús wyinaty jade'en mōk'ampy tō ya'axy, jōts ku ja wyinaty tō y'ōōky, yide'en ja wyaañ:

—Janch tiy tam idō'ōn Dios tam ya'at y'ity y'U'nk.

15.42-46

Ku ja nwindōn'ajtim Jesús ñe'kx

yikpiaktaajky jap oo'kpi

tsaa jutjōtpy

- 15.42 Xjats ku chuu'wiyii'n ku ja poo'kxin xøøw wyinaty kyimjabom tpaatwani,
- 15.43 winet ja José myiñ, ja Arimate'it jaa'y pøn wyinaty ja kutujk t'adsinaadyip. Ja'ats idøøn tjøp'ejxp jøts ja ttatøkiwya'añ ja Dios kyutujk midi ja yjaa'y ja tyanitanaapy, jøts ja ojts amumjoojt myiñ ma døøn ja Pilato jam wyinaty, jøts ja t'amidooji ja Jesús ñe'kx ku ja wyinaty tø y'øøky.
- 15.44 Xjats ja Pilato ñigyumaap yjajty ku døøn ja wyinaty tø y'oo'kni, winets ja tyaa'xyii'n ja soldadi windsøn jøts ja tyiktiy pøni janch ku døøn ja wyinaty tø y'øøky.
- 15.45 Xjats ku ja soldadi windsøn ja ojts tnigajpxy jøts ku ja janch jade'en, winets ja Pilato tkøyajky ja oo'kpi jøts José ja yikmøøy.
- 15.46 Xjats ja tjuuy tu'uk ja poop wet midi øy midi majpxy, jøts ku ja tyikwinajky ja oo'kpi, ja'ats ja ty'amojts, jøts ja tpiktaajky jutjøtpy midi ja wyinaty tø tyikjuty jam tsaajotp. Jøts ku døøn ja jade'en tpiktaajky, winets ja møj tsaa ja tta'agiyy.

16.1-7

Ku ja nwindson'ajtim Jesús yujukpyiky jadigojk

- 16.1 Xjats ku ja poo'kxin xøøw ñajxy, winet ja María Magdalena t'atsjuudyøø ja pa'akxuu'kpi møøt Jacobo tyaaq, møøt ja Salomé, jade'en ja ojts t'atsjuudyi jøts Jesús ja t'atspikta'akwajnidu ku ja wyinaty tø y'oo'kni.
- 16.2 Xjats ja ojts ttaninøjkxti jøpyi ku ja samaan wyinaty tø y'abety, xøbidsimyu'nk ja yja'ttøø jam møj tsaa agujkp ma ja Jesús jam wyinaty tø yikpikta'aky.
- 16.3 Yide'en ja køøm ñawyajnidøø:
—¿Pøn inet ja tsaa tjanch'agiidyu't jøts ndøjki'int?
- 16.4 Xjats ku ja yja'ttøø, winets ja t'ejxtøø ku ja møj tsaa ka'ap ja jap wyinaty ukteeni jap jut'agui'py, tø ja wyinaty yikiyøøni.
- 16.5 Jøts ku ja tyøjkidøø jap mutsk tøjkjøtpy, winets ja t'ejxpattøø tu'uk ja ankilis midi ja wyinaty pya'ajpy tsinaapy, jøts midi wyinaty nayide'en ja poop wet myøøt'ajtpy. Xjats ku ja t'ejxpattøø waajtyøjk ja tijy, jøts ja ojts jantymchø'jkidi.
- 16.6 Jøts ja ankilis ja ojts ñii'mxyidi:
—Kidi mdsø'ogidi; nnija'wip øts ku meets ja Jesús ja ñe'kx x'ixaajiyidi. Tø ja jadigojk yujukpyiky, øy xtyimy'ejxtit ma ja yikpiktaajky.
- 16.7 Nøjkx ja pyabøjkpitøjk xukmadojidi møøt ja Pedro, jøts ñøjkxtit jam Galilea; jamts meets ja x'ejxtit jadigojk, jamts meets ja xminabyaadiyt jade'en sa ja køøm mnimaajyidøø.

16.15-16

16.15 Yide'en ja yiknimaadyøø:

- Niyø'øgygøxti naxwiil'ñit, jøts ja øgyajpxy jøts ja ømyadya'aky xkajpxwa'kxtit ma jaty ja jaa'y yujuky'atti.
- 16.16 Pøni pøn øts xjanchja'wip jøts pøni pøn nøbajtp, ja' nøjkx nitso'ok'ajtp ja y'anmija'win; jøts pøni pøn øts xkajanchja'wip, ja' yiktagubatp ja pyøky.

16.19-20

Ku ja Jesús chajpejty

- 16.19 Xjats ku ja pyabøjkpitøjk ja jade'en t'uknimaay, winets ja chajpejty, ojts Dios Teety ja tsajpjøtpy yikpatøkiyi, jøts ja tpuwa'jtsiyii'n aga'ngyø'ampy.
- 16.20 Xjats ja pyabøjkpitøjk choo'ndøø, jøts ja ojts tkajpxwa'kxti ja øgyajpxy ja ømyadya'aky øy

m̄adsoo. Ja n̄winds̄on'aj̄tim Jesucristo ja k̄o'om pud̄ōjkiyidip, j̄ōts nay ja Jesús ja tm̄ōy ja mȳōk'aj̄tin j̄ōts ja ttu'undit jade'en midi n̄ip̄on jā'y ya n̄axwiiñ kyajaj̄tpy, paty ja mayjā'y ja tjanchja'widi d̄o'̄on ja pyab̄ōj̄k̄pit̄ōjk ja kyaj̄pxy. Jade'en id̄o'̄on ja y'ejxi.

© La Liga Bíblica, A.C. 1987